




SESOTHO – Lost

HO LAHLEHA



Ho lahleha morung o moholo o tletseng libatana tsa mefuta le linoha ke ntho e nyarosang ka ho fetisisa. Ho lahleha lefelleng moo ho seng metsi, ho seng tsela, ho seng se ka u supisang moo u eang ke ntho e ka isang motho lefung. Ho lahleha leoatleng le phahameng u se na sesupa-lintlha tsa lefatše, u se na lijo le metsi, leha e le lintho tse ka u thusang ho tseba ho sesa, u se na ts'ireletso mochong le serameng, ke bomali-mabe.

Ho lahleha lithabeng tse phahameng tse koahetsoeng ke lehloa le leqhoa, ka sebele ke lefu feela. Ho lahleha lefatšeng la sebe le felisang tšepo ke ntho e mpe ho feta tsohle, hobane ke ntho e isang timelong e ts'abehang, ea moea, le timelong e sa feleng le lihelong.

Mo-Pesalema o ngola tjena: “Ke ntse ke phaila joaleka nku e lahlehileng” *Lipesalema 119:176*. Linku li lokela ho alosoa, ho seng joalo li ka tso-

helo a matla ke lira tsa tsona e leng libatana t e hlahla, litau, libere, liphiri. Li hloka balisana ba 'nete ba tla li alosa ba kang Davida, ea ileng a bolaea tau le bere. O ne a lumela ho lahlehelo a ke bophelo ba hae sebakeng sa linku tsa hae. Re hloka Jesu, eo e leng Eena feela Molisa oa 'nete 'me ea tšepahalang ea seng a ne a re telle bophelo ba Hae, 'me o re etella pele makhulong a matala le metsing a khutsitseng. Jesu o itse, "Ke 'na Molisa ea Molemo, ke tseba linku tsa ka 'me linku tsa ka lia ntseba."

Ha ho ea lekana ho re feela linku li be le molisa. Empa e ka khona molisana eo e be molisana oa sebele. Molimo o ile oa re ho Jeremia. "Sechaba sa ka e ne e le mohlape oa linku tse lahlehileng, balisa ba tsona ba ne ba li khelosa." *Jeremia 50: 6, 7*. U seke ua latela balisa ba reng ba lokile, baetapele ba lifofu ba lifofu le bona. Latela Jesu ea tlileng ho batla le ho pholosa ho timetseng. O tla latela ho timetseng ho fihlela a ho fumana.

Lilemong tse ngata tse fetileng nkile ka teana le litsomi tse peli South West Afrika, ba kileng ba lahleha lehoatateng la Kalahari. Ba ne ba tsamaea ka koloi e neng e huloa ke litonki tse ka bang mashome a mabeli, ho leba lehoatateng. Hoba ba fihle le basali ba bona le bana ba bona thabeng e qetellang, eaba ba hloma litente. Ho tloha moo eaba banna bao ba babeli ba tsoa ho ea tsoma liphoofole. Ka letsatsi le leng ba fumana mohlala oa Lengau oo ba ileng ba o latela ka tsela eo ba 'na ba kenella harehare ho lehoatata. Ha e se e le mantsiboea setsomi se seng sa thunya lengau, sa thunya le letona le le tšehali, sa ntoo hetla metsoalle ea sona. Sa makala ho bona setsomi sa bobeli se sa bonahale (se ne se latetse mohlala o mong oo se neng se o belaela hore o ka 'na oa isa sehlopheng sa liphoofole eaba ha a boelle metsoalle ea hae.) A boela morao lehlatheng le tutulu leo a ileng a feta ho lona, a batla setsom i empa a se ke a se fumana. Ha a ntse a batla ea ba lefifi lea fihla 'me a lahlehelo a ke tsela ho hang. A tsamaea sekoto se seholo sa bosiu, a leka ho fumana moo litente li leng teng ka ho re a tle a bone mohlomong mollo o tla mo lebisa moo tente li leng teng, empa ha haneha. A tsoela pele ho tsamaea ka lihore tse 64, ho fihlela a khathalla ruri, a lahleha a hloloa ke lenyora. A ruruha leleme le tsoa le mali le leketla molomong oa hae. A iphumana a lahlehile ho hang, a shoa ke lenyora, lehlatheng le chesang la Lehoatata. A paqama a le boemong ba ho shoa, a qala ho lla ho Molimo hore o mo thusa. O ne a a sitoa ho hlahisa mantsoe a utloahalang a thapelo, empa Mo-

limo o bonang pelo ea motho, oa utloa sello sa pelo ea hae. Hang-hang setsomi se shoang sa bonela sefapano hole, eaba moo sefapanong ho hlahla sello se phefa se reng, "Ke nyoriloe". A tseba hore ke ho bitsa ha Jesu seo a se utloang sefapanong. Ha thophothela botho bohle ba hae e ka ke ntho e tlišang matla a potlakang. Eaba lenyora la hae lea fela ha a lemoha hore Jesu, Mora oa Molimo, o ile a nyoroa sebakeng sa hae sefapanong sa Golgotha. Eaba leleme la hae le khaotsa ho lutla mali a boela bothong.

A ema a matlafetse hantle -ntle. Mokhathala ohle le ho teneha li ne li mo tlohetse. A leboha Molimo ka hore sefapanong, Jesu o ile a nyoroa sebakeng sa hae e le hore eena a matlafale a phele. A leboha Molimo ka pelo eohle ea hae, ka hore o teane le eena ka tsela e makatsang hakaalo. Eaba o qamaka ka hohle hore na a ka leba kae hore a tle a fumane ba habo. Ha a qamaka a makala ho bona letsoho le letle la motho le tsokotseha bophahamo ba maoto a mane ho tloha fatse, le supa ka monoana o le mong pele. Ha a le atamela, a ipotsa hore e be letsoho leo a le bonang ke ntho ea 'nete, la tsoela pele kapele ho eena. "Lena ke letsoho la Molimo le monoana oa oona." La rialo ha a le latela ka lihore tse mashome a mabeli. Ha a ntse a tsamaea e be letsoho le ntse le mo etella pele, ha a ema letsoho le lona le eme. Qetellong letsoho la ema holim'a seliba sa metsi a pholileng. A noa a ba a nyoroloha hantle ruri. Ha a talima holimo, a ehloloa hore letsoho le nyametse, haufi a bona litutulu tsane tsa lehlatheng a bona litente tsa habo. Ha a fihla tenteng a fumana ba habo ba mo rapella, hore Molimo o mo busetse ho bona a pholohile likotsing. A fumana setsomi se seng le sona se rapella. Molimo o mo khutliselitse ho ba lelapa la hae ka tsela e makatsang ha le eena a ne a lahlehile. Ka hore a latele tsela e sele a iphumana a lahlehile lehoatateng, a lelera bosui bohle, a batla empa a sa fumane seo a se batlang e leng litente tsa habo. Ha ho fifala a bona ka ho makala mora oa hae ea lilemo li robeli, a mo hoehla a le leraleng le haufinyane. A makala hore moshanyana o tsebile joang ho fihla sebakeng seo se hole a le mong. Leha mehato ea maoto a moshanyana e ne e sa bonale, ha e le pono eona e hloekile hore e qalile pela leralla ea ea joalo ho fihlela e feta libaka tse tš'eletseng tsa litutulu tsa lehlatheng, ho tloha moo moshanyana a neng a hoehla a le teng, o ne a le hojana le litente. A iphumana kapele a se a le haufi le mora oa hae ea neng a ithobaletse

hantle. A eelloa joale hore Molimo o ile oa sebelisa pono ena ho mo busetsa sebakeng seo a babalhang ho sona.

Hantle, ha re letho re litlomi feela, re tsoma intho tsa lefatše lena, borui, botumo, boiketlo, chelete, thabo, katleho le lintho tse ling tse ngata e le hore re lebale ho batla 'Musu oa Molomo pele le ho loka ha oona. Re lahleha ehoateng la moea lefatšeng lena. Meea ea rona e nyoreloa Molimo, Molimo o phelang ho fihlela re bitsa ho oona re le tsietsing, ho fihlela Jesu a itlhahisa ho rona e le seliba sa bophelo. Jesu o itse, "Ke tšile ho batla le ho pholosa ho timetseng". O batla linku tse lahlehileng ho fihlela a li fumana. Oa u bata le 'na oa mpatla. Nku li lahleha joang? Ka ho chesehellla lintho tse mpe, ka ho se tsotelle pitso ea molisana, ka ho itulela hole ha molisana le linku li tsoela pele, ka ho mamela lentsoe la mothetsi kapa ka ho mathela kapele ho molisana, 'me e be nku e ba eona e ikhethelang makhulo ao e leng a eona.

Ngoana ea lehlasoa o ile a lahleha joang? O ile a hloka teboho ho nta'tae, o ne a busoa ke lerato la chelete e leng motso oa libe tsohle. Molimo oa lefatše lena o ne o fofalitse mahlo a hae, e le hore a se ke a ipona, empa a huleloe botebong ba seretse sa sebe, hole le Molimo le hole nta'tae eo lithapelo tsa hae li ileng tsa mo latella. Ha a ne a alositse likolobe 'me a lapile, a qala ho phaphama borokong ba hae ba bothoto. A sia lifariki le mong'a hae ea khopo ea neng a sa mo lumelle feela le ho khorisa mala a hae ka makhapetla ao likolobe li neng li fepuo ka oona. A tla ho nta'tae a re, "Ke sitetsoe leholimo (Molimo) le uena, 'me ha ke sa loketse ho bitsoa mora oa hao". Ha a ka qosa motho e mong osele empa a ipeha molato e le eena ka hore:- "Ke siti oe" *Luka 15:11-32*. Nta'tae a ratehang o ile a mo amohela hae hape are, "Mora enoa oa ka o ne a shoele (moeeng) 'me joale o boetse oa phela, o ne a lahlehile 'me joale o boetse o fumanoe".

Jesu o itse, "Mosali ke ofe, ea nang le lichelete tse leshome, 'me e ka reng ha a lahlehetsoe ke e 'ngoe, a ke keng a hotetsa lebone a fiela ntlo, a batla ka hloko ho fihlela a e fumana, 'me ha a e fumane, e be o bitsa metsoalle ea hae, a re, thabang le 'na hobane ke fumane chelete eo ke neng ke e lahlile." Ha ho motho ea ka beang molato cheleteng ka hobane e ne e lahlehile. Maria le Josefa ba ile ba lahlehela ke Jesu tempeleng Jerusalema, 'me ba mo batla matsatsi a mararo, ho fihlela ba mo fumana. Likete-kete tsa litho tse itseng tsa like-reke li ntse li lahlehile, tabeng ea Krete. Ha ba ea

ka ba fumana Krete ka tsela eo ba lokelang ho mo fumana ka eona, ha ba ea ka ba tsoaloe la bobeli ka Lentsoe le ka Moea o Halaleng, ka ho amohela Jesu e le Molopolli oa bona. Ba lahlehile tabeng ea 'Musu oa Molimo hobane Jesu o itse, "Bakang hobane 'Musu oa Maholimo o atametse." "Ntle le hore motho a tsoaloe la bobeli, a ke ke a bona 'Musu oa Molimo". Hopola, Jesu o sa ntse a batla ho pholosa ba timetseng. Oa o batla, 'me haeba u mo batla, u tla ithuta ntho e makatsang ea ho teana le eena bophelong ba hau. Mohlomong u lahlehetsoe ke khotso ea hao, bohloeki ba hau, thabo ea hao ea ho ts'oareloa libe, bopaki ba hao pel'a Molimo le pela'a batho. Batla ho fihlela u fumana tseo hape ho Jesu. Mohlomong u se u lahlehetsoe ke bophelo ba hao, litulo tsa hao, mosebetsi oa hao, chelete tsa hao. Tlisa matsoenyeha ao a hau, ho imeloa ke ho nahana hoo ha hao ho Morena ea nang le matla a ho u buseletsa tsohle, e bang ke ntho efe kapa efe. Empa hopola, "Ea batlang bophelo ba hae o tla lahlehela ke bona, empa ea lahlehela ke bophelo ba hae ka lebaka la Krete, o tla bo fumana."

U ka rua lefatše lohle, 'me ka ho le rua hoo ua lahlehela ke moea oa hao, e leng eona ntho e kholo le ea bohlokoa ho fetisa maruo a lefatše lena.

Bohle, ho se khethollo ea letho, ka sebele, re lahlehile ka lebaka la libe tsa rona. "Ha re re ha re na sebe, rea ithetsa, 'me 'nete ha e eo ho rona." "Haeba re re ha re na sebe re O etsa ea leshano, 'me Lentsoe la oona ha le eo ho rona." *I Johanne 1:8 le 10*.

Ha ho le a mong oa rona, ea ratang ho be sale a setse tahlehong ena hobane "Mor'a Motho o tšile ho batla le ho pholosa ho timetseng." *Luka 19:10*.

Morena o haufi haholo le uena, 'me ha feela u mo batla, u tla mo fumana, empa e ka khona u etse joalo hona joale. "Batlang Jehova ha a sa fuma-u etse joalo hona joale. "Batlang Jehva ha a sa funoa, le mo rapele ha a sa le haufi." *Esaia 55:6*. Ntho e 'ngoe eo e leng ea sebele ke ea hore Molopolli ea batlang le moetsalibe ea batlang kamehla ba ea kopana. "Ha u mo batla, u tla mo fumana". *Mattheu 7:7*. Ha u se u mo fumane 'me a ba ho uena ua mo fa bophelo ba hau, thato ea hao, le tsohle tse tlang ho tla tsa hau u li beile matsohong a Hae, Molisa ea Molemo oa Linku, o tla u etella pele ho u isa makhulong a matala le ho u isa Bophelong bo sa feleng.

Uena ea lahlehileng, bitsa ho Eena joale. Se ke ua qea-qea, hobane "E mong le e mong ea bitsang Lebitso la Morena o tla bolokeha." *Liketso 2:31*.

TSOA

Tsoa pusong ea sebe. Tsoa 'musong oa Satane. Jesu ke Morena oa marena le Mobusi oa babusi. 'Muso oa lefifi o se o fentsoe ke Jesu Morena oa Lese-li le Morena oa khotso. Tsoa bokhobeng ba sebe, bokhobeng ba Satane. Jesu o tletse ho tla u lokolla. O se a ne a lefe tefello ea poloko. Ose a ne a lefe mane sefateng sa Golgotha. O u shoetse hore a u lefelle.

Tsoa bokhobeng ba ts'abo, ts'abo ea lefu eo ka eona Satane a u bolokileng litlamong kamehla matsatsing a ho phela ha hao. Jesu o se a hlotse sebe le lefu 'me o se a u buletse monyako sefapanong moo a nchoetseng teng esitana le uena. O ile a kena boimeng ba lefu 'me a le hlola. O ile a tsoha bafung e le hore a phele ka ho sa eeng kae. Rea phela hobane oa phela. Re thakhisitsoe 'me re shoele ka lehla-koreng la lefats'e, la sebe le la bo rona, hobane feela Jesu a thakhisitsoe sebakeng sa rona. Empa o boetse a tsoha sebakeng sa ho re lokisetsa litaba hore ka Eena re be le bophelo bo sa feleng.

Satane eo e kileng ea e-ba lengeloi le sireletsang ,lengeloi le lebelang la lefatše lena, o ile a iphahamisa holim'a Molimo 'me a re, "Ke tla phahamela holimo marung ke tla ts'oana le Ea Holimolimo." "U tla theoleloa tlase lihelong mabopong a sekoti." *Esaia 14 : 12-16.*

Satane eo e leng molimo le morena oa lefašets lena o hlotsoe. A ke ke a hlola a busa makhoba a hae hape, ntle le hore makhoba ao a hae e be oona a inehelang ho eena ka ho rata.

Molimo o re bolella ho tsoa pusong ea sebe le Satane. O khethile Jesu hore e be mobuse oa batho bohle le Morena oa bohle. Ka tsela e joalo, tsoang kahar'a bona 'me le ikarole. ho rialo Morena."



The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)